


續修四庫全書



《續修四庫全書》編纂委員會編

續修四庫全書

上海古籍出版社

四〇八・史部・紀事本末類

欽定剿平粵匪方略四百二十卷(卷二百零三至卷二百四十五)

〔清〕奕訢等撰

228/08

欽定剿平粵匪方略六

〔清〕奕訢等撰

據清光緒內府鉛活字
本影印原書版框高二
二〇毫米寬二九六毫米

欽定剿平粵匪方略卷二百三 戊午年

九月初一日 癸酉和春奏言八月二十一日逆匪

衝破江北大營分股圍攻江南一面盡銳東趨逆衆萬餘竄至六合西南距城止十里許留防兵勇不及三千此外皆係民團德興阿甫由小路抵六合招集馬隊數百名紮營東面兵單賊衆危急萬分當飭遊擊孔朝彪管帶精銳二千剋

欽定剿平粵匪方略卷二百三

一

日渡江會同防剿仍由總兵馮子材統帶其前次比援兵勇五千桎梏之餘不足以資卻敵仍令撤回江南又江浦一邑孤懸賊中聲息不通存城及城外兵勇僅有二千七八百人賊已三面合圍孤立無援必應設法往救因飭總兵李若珠帶隊由江口往援該文武員弁兵勇卽於二十三日冒險出圍並拔出難民男婦一千三

欽定剿平粵匪方略卷二百三

二

百餘人當飭此起官兵於渡江後由石埠橋前往六合併歸堵剿至金陵賊勢連日悉率醜類分股出巢數路衝撲張國樑親督各將備等隨堵隨擊均卽敗退而二十三日一仗追北直抵雨花臺逆營斬馘尤多兵勇亦開有傷亡臣查該逆知我分兵他往是以疊次圍撲濠牆以圖大逞幸此間南北濠牆一律寬深堅厚官兵分屯扼守以逸待勞可無他慮惟沿江寶塔根上下賊已安設大礮轟擊觀音門水營疊據總兵陳國泰等會函告急並稱市肆旣空糧食無從購買師船難以久泊臣仍嚴飭該鎮等盡力堵禦以杜其水路下竄德興阿潰退後該大臣收合餘燼共有若干暨現在如何布置堵禦之處臣等無從知悉六合縣賊匪梟水過河三面攻

撲其勢甚張萬一稍有疏虞大局更無從收拾
臣駐軍南岸衆顧爲難而甯國之賊又復屬聚
鄧紹良函請官兵往救此江浙兩省一大屏蔽
關繫尤鉅無如兵力屢分之後此時更難旁及
想浙江撫臣胡興仁必能將甯國赴援浙江之
師趕緊調回竭力圖維也奏入報

聖朝聖略卷三

三

同日都興阿李續賓奏言皖賊麇聚太湖狡悍
異常糾衆不下三萬嬰城固守加增城牆城外
濬濠築壘壘外築卡又於東北路二十里之楓
香鋪四十里之小池驛各築壘三座於東路五
一餘里之黃泥港地方修築大壘鑄礮聚糧布
置極爲嚴密臣等籌商欲攻城必先破壘七月
二十八日臣都興阿派多隆阿於八里岡出隊

牽制城賊臣李續賓飭副將趙克彰等分五路
出攻東岸卡壘臣親督湘中湘右營及親兵等
營分五路攻城該逆先於壘中出七八千人朱
希廣迎頭衝擊趙克彰等自山內突出橫抄賊
遂敗潰約斃千餘名生擒五十六名其時李續
燕等均乘勢攻毀各卡斃賊七八百名復偪攻
大壘諸弁勇登陴數次被傷復墜未即攻入八
月初一二等日臣都興阿飭參將石清吉等營
進紮城南賊乘營壘未成即以大隊攻撲石清
吉等整隊迎擊該逆敗退追至河邊斃賊數百
名臣李續賓率各營偪城之東面及西北駐紮
初六日飭李續燕等攻毀楓香鋪之賊壘初九
日仍飭李續燕等擊破小池驛賊壘前後約殺
賊七八百名其東山頭南首該逆乘夜復修新

聖朝聖略卷三

四

壘初十日 臣都興阿飭石清吉等分路並進馬隊隨後策應 臣李續賓飭黃勝日等協力進攻共斃賊約七百餘名將各壘平毀十二三等日各營疊次出隊誘賊出戰賊匿不出十五日飭多隆阿等將大礮密運山頭謝承祐等營由西北面攻城李續燾等營分攻東岸下壘 臣率多隆阿等營先轟東山迤南賊壘該逆專防前面不料大隊由山後抄襲紛紛墮濠我軍前後兜殺殆盡各營遂乘勢攻東岸浮橋開化勝勇繞道梟水攻河西賊壘盛戰逾時飛虎三營及各起馬隊由西南兩路上下夾攻賊遂潰敗東門城賊出援亦經石清吉等截擊合計殺賊三千餘人鮑超等復合兵攻東山頭第一大壘該逆四面固守我軍搬運柴薪木板堆積壘邊諸勇

奮身肩累而上盡殲壘賊無一得脫中有黃袍賊目十餘人僞印纍纍奪獲槍礮等件無算 臣等知賊膽已寒急飭各營併力攻擊鮑超等進攻第二壘周寬世等進攻第三壘 臣等復親督石清吉李存等分段攻城署太湖縣知縣蔡鏐亦率團勇隨後接應各營輪番疊攻二更時火箭射入城中燃燒藥局煙燄噴烈西北二面各勇奮呼登城賊紛紛由東南兩門突圍逃竄二壘之賊亦拌令衝出各路集團追殺餘匪亂竄乘夜四山翻越各營弁勇與多隆阿等馬隊分途追殺五十餘里計共斃賊五六千名遂將太湖縣城收復十八日 臣李續賓派趙克彰等進紮小池驛復派保慶等馬步十四營進攻黃泥港我軍分路猛進力撲該逆越牆逃遁約殺斃

千餘人奪獲大礮四十七尊贏馬軍械無數該
逆尙屯集石牌及潛山縣臣等共商乘勢力搗
節節掃蕩然後分兵下趨舒桐赴援廬州所有
副都統多隆阿等謹先行開列擬請分別獎勵
其餘在事出力文武員弁兵勇容查明另行奏
獎陣亡之吉林馬甲德貴等並請
旨飭部優卹奏八

聖朝聖略卷三

七

上諭內閣曰安徽太湖縣城溪山險阻逆賊踞爲要害
將軍都興阿布政使李續賓分督兵勇平毀各卡進
攻各壘當將太湖縣城克復仍著該將軍等督率諸
軍將竄屯石牌及潛山縣賊節節掃蕩並分兵下趨
舒桐赴援廬州所有尤爲出力之副都統多隆阿新
授湖南綏靖鎮總兵鮑超均著交部從優議敘都司
吳明亮著免補都司遊擊以參將遇缺卽補遊擊楊

聖朝聖略卷三

八

朝林姜玉順均著免補遊擊以參將儘先補用參將
朱升開著免補參將以副將儘先補用都司鄧光成
著免補都司以遊擊留於湖北儘先補用並賞加參
將銜守備易德榮王俊秀均著免補守備以都司儘
先補用並賞換花翎把總何成清著免補把總以千
總儘先補用並賞加守備銜五品花翎馬甲德貴藍
翎披甲德貴均著從優照驍騎校例遊擊鄒祥杰著
從優照參將例都司胡鎮南著從優照遊擊例守備
唐克舉蕭新勝張朝武李發益黃星輝李得勝雷紅
貴均著從優照都司例千總吳延春曹光泰吳正明
周海清千總周廣林均著從優照守備例把總聶秀
宰楊泗海唐嗣忠易計扶江上雲李洪勝馮允祥鄒
本發余萬友龐安仁陳復勝許東亮均著從優照千
總例外委陳國洪向述謀何秀黃蕭盛材江登漢王

中海蔣得順陳春元蕭文剛熊得勝黃占春謝維翰
曾和貴均著從優照把總例議卹其餘出力文武兵
勇及陣亡兵勇著該將軍等查明分別奏請獎卹

同日慶端奏言浦城縣城池被賊占踞日久臣
飭遊擊戴慶吳等由夕陽嶺一帶直攻浦城一
面檄飭代理浦城縣張銓慶由漁梁進師夾擊
七月二十日戴慶吳等督帶兵勇攻至臨江一

欽定剿平粵匪方略卷三

九

帶該匪遽退至夕陽嶺駐紮當調集各鄉練丁
由小路攻入並督勇由大路衝殺兩路夾擊斃
賊數十名餘匪遂退至城內當經各兵勇跟蹤
追剿至該縣城邊該逆一面出城燒燬民屋一
面自開西門繞河竄走當時張銓慶等帶勇由
漁梁一帶攻來賊匪前後受敵因此逃遁復經
各勇追殺數十名該縣城池於二十一日申刻

克復閩省軍務已有轉機第現據探報建陽賊
匪日聚日多水吉一帶亦尙爲賊盤踞建防更
覺喫重自應力圖水吉建陽二處以杜下竄而
保郡城臣卽飛飭饒廷選張騰蛟統師由浦入
閩分兵由潯州迴龍繞出賊前與林向榮等各
軍圍攻水吉並咨周天受速卽分兵由松溪直
達建郡會同匡開益等各軍上攻建陽務將該
二處賊匪痛加剿洗並飛飭保泰等督飭各軍
協同聯甲乘勝跟追力圖恢復以便移師攻取
邵武崇安各郡縣並令已革遊擊戴慶吳等會
同代理浦城縣張銓慶妥辦善後搜捕餘匪仍
飛咨侍郎曾國藩並浙江江西各撫臣一體嚴
飭文武會剿堵擊以杜竄逸奏入

上諭內閣曰賊踞福建浦城縣經遊擊戴慶吳等分帶

兵勇由夕陽嶺一帶進攻代理知縣張銓慶等由漁梁夾擊分路進攻奪獲夕陽嶺要隘克復縣城其建陽水吉盤踞之賊仍著督飭帶兵文武迅速殄除毋令紛竄出力員弁兵勇聯甲人等著准其擇尤保奏

同日張芾奏言查徽屬婺源縣隘口紛歧防務處處喫緊卽商同署皖南鎮總兵江長貴抽調各營兵勇先固內防七月二十八日賊由德興

聖皇聖后略奪重

十二

東犯婺源南黃瓜尖嶺兵團迎剿失利適接應之師馳至逆賊敗退仍復疊窺邊界皆未深入八月初四日忽由德興竄婺源境西南一帶卽經團練夾擊賊遂向浮梁縣景德鎮遁去又有大股賊眾續由德興竄來我軍回援不及賊遂闖入婺源幸開化已無賊蹤得移東路之師會合進攻連日斃賊甚多總兵李定太復派兵來援迅

聖皇聖后略奪重

十三

圖掃蕩乃祁門縣西南各鄉界連浮梁該逆亦屢圖內犯雖經兵團堵禦而兵力兼顧爲難德興浮梁賊蹤屢集密運婺源可以朝發夕至池州府屬貴池青陽建德等縣本爲逆匪出沒之所崇覺寺防兵抽調過半亦屬萬分喫重若專恃江長貴一人調度諸將往來督戰恐有顧此失彼之虞因思援閩諸軍已有鎮將數人江西情形較緊會國藩部下不乏人才且賊鋒所擾已在皖南各處探報皆言賊欲竄徽必須熟悉情形之得力六員與江長貴分督勁旅攔頭截剿方克有濟總兵周天受援浙之時雖因人地生疏功過不能相掩而在皖最久地利民情均能熟悉可否

飭令該總兵統率所部仍回徽防似較有裨奏入

上命軍機大臣傳諭胡興仁曰徽防萬分喫重該處專侍總兵江長貴一人調度恐有顧此失彼之虞總兵周天受久在皖南情形熟悉著胡興仁卽飭該總兵統率所部兵勇回徽防剿

同日楊能格奏言自糧臺失陷後連日潰散兵勇有由沿江潰下者有由西北山一帶潰下者道路紛歧僅於三汊河揚州等處截留不能扼

欽定剿平粵匪方略卷三十三

十三

要查邵伯爲南北通衢最要關鍵先經德興阿照會截令兵勇折回六合臣親自督率委員馳赴邵伯分投嚴截無論馬步兵勇均酌給川資稟請德興阿派員押令馳回聽候調度以冀重整軍威至賊匪圍攻六合現雖尙堪守禦惟賊黨衆多設分股東竄則儀揚一帶不堪設想糧臺所關綦重臣惟有加意防護以免疏虞奏入

上命軍機大臣傳諭何桂清邵燦庚長楊能格曰賊蹤未遽竄至揚城而人心不免震動恐其紛紛遷徙必致土匪乘機竊發自啟亂萌何桂清著卽派明幹大員馳赴揚州會同藩司楊能格督飭該府縣在城彈壓使居民安堵以靖內患此時德興阿旣未能分兵保護揚郡和春又遠在江南何桂清於常鎮一帶如有可撥之兵卽著酌撥赴揚以資防守並著邵燦庚長於河漕兩標內撥兵前往協同守禦糧臺已移至邵伯著楊能格加意防護

欽定剿平粵匪方略卷三十三

十四

初三日乙亥德興阿奏言臣行至瓜埠聞賊衆圍攻六合縣城其時臣無一旅之師萬難前進擬折回東溝俟潰兵招集再由陸路迎勦詎料六合之賊由東門竄至驛鋪橋南岸撥來兵勇二千名與之接仗因賊勢過多紛紛退敗富明阿

等帶馬隊接應被賊包裹大半傷亡餘悉奔潰
鞠殿華身無一兵不能徒手禦敵現在並駐儀
徵其六合縣城雖經溫紹原扼守並有羅玉斌
等兵勇而眾寡不敵危急萬分南岸所撥之兵
三次挫衄此次所餘二三百名已飭馮子材管
帶過江現復飛咨勝保翁同書迅撥援兵就近
解圍並防盱眙天長昨據和春來咨江浦之兵
二千七八百名並皆渡江日內亦可到六小店
之兵亦有冒險出圍刻下派成明赴揚州於萬
福橋邵伯一帶招集潰兵無論大小將弁均歸
統帶又派富明阿在儀招集馬隊得有成數卽
令帶赴六合助剿臣督兵以來惟富明阿等所
帶馬隊最爲得力今潰散至此尙復何恃惟有
仰懇

聖恩

五

聖恩

十

天恩飭派和春張國樑一人渡江爲之統率否則臣支
持不住必至無所底止如六合不保儀揚實有
唇齒之患清淮完善之區尤當先事豫防臣已
飛咨邵燦庚長嚴爲布置再請
飭派大員統兵駐紮清江以遏渡黃之路奏入
上命軍機大臣傳諭德興阿鞠殿華曰據德興阿奏江
南官兵三次挫衄六合孤危覽奏曷勝憤悶此時金
陵逆黨時圖衝撲和春張國樑未必能分身北渡已
諭令撥精兵二千赴援並諭知勝保翁同書令提督
德安帶兵前往六合協剿並將浙江撤回之西安馬
隊三百名催赴江北前派去吉林及直隸提標馬隊
共四百五十名諒已趕到著德興阿鞠殿華一面催
提各路援兵一面將收集各兵卽交成明統帶會同
溫紹原羅玉斌等現有兵勇並富明阿招回馬隊實

此退避無能相應請

旨將穆克登額交部嚴加議處以示懲儆奏入

上諭內閣曰賊匪竄撲六合護軍統領穆克登額並不接仗帶隊東下直由儀徵退至揚州實屬畏葸無能著卽革職留營效力以示懲儆

同日略秉章奏言吉安爲江西劇郡城池堅固儲積充盈自首逆石達開攻陷以來時逾三載

聖皇聖后略卷三

九

楚師兩次合圍前後百數十戰再歷寒暑始獲克此堅城在事文武水陸弁勇實屬殫誠竭力不避艱險同知曾國荃等自援吉以來勤慎勇往深得軍心謹先行開列請

旨優加獎敘奏入

上諭內閣曰湖南援軍偏紮吉安府城各將士同心協力攻克堅城所有尤爲出力之同知曾國荃著以知

府遇缺卽選並賞加道銜道員趙煥聯著賞加按察使銜並賞給該員父母三品封典遊擊成章鑑著以參將儘先選用並賞加副將銜副將劉培元著賞加總兵銜遊擊彭定太著以參將留於湖南補用並賞換花翎守備陶藻著以都司留於湖南遇缺卽補周惠堂著以都司儘先選用並賞換花翎其餘援軍各營員弁勇丁著略秉章擇尤酌保其總兵普承堯等各軍出力人員仍由耆齡查明保奏

聖皇聖后略卷三

三

略秉章又奏言兵部郎中左宗棠自咸豐四年在臣署幫辦軍務連歲用兵籌辦水師船礮選將管帶壯勇聯絡在籍紳士故得以剿除內犯之寇而靖鄰省之氛且援鄂援江援粵援黔所有山川險要賊情緩急左宗棠瞭如指掌各營一切進止機宜皆資其策畫之力是以所向有

功現在江鄂全省肅清粵西克復平樂柳州慶遠諸郡黔省克復銅仁松桃等處左宗棠在臣署襄辦時閱五年運籌決勝實屬著有微勞臣未便聽其掩抑可否請

旨賞加四品卿銜之處出自

天恩奏入

上諭內閣曰湖南在籍兵部郎中左宗棠於籌辦船廠

欽定剿平粵匪方略卷三

三

選將練勇各事宜均能悉心謀畫幫同略秉章辦理連年各路援師所向克捷實屬著有微勞左宗棠著賞加四品卿銜

初四日丙子勝保奏言粵氛之熾今已八年從前

李開芳等比犯幸賴

天威殄滅其老賊死於是役者居多現在粵逆尚有五軍中軍本在金陵未出滋擾左軍近亦調回城

內助守惟僞前軍主將陳玉城暗結後軍李壽城有軍李士穎等潛由舒桐襲取廬郡三軍之眾加以偪脅入夥為數已屬不少刻下分屯東西葛地方窺伺浦六連營數十里以臣揣度賊情金陵首逆尙存陳玉城等必不能棄之弗顧其意必欲掠糧皖北由江浦浦口等處奪路過江為逆首援應設縱令南去勢將併力於我為

欽定剿平粵匪方略卷三

三

害何可勝言若在江北極力堵遏使不能飛越天塹而賊數已至十餘萬斷不能就地聚殲恐江南未破長圍而皖北先為禍府查皖北居武昌下游當江廣孔道安慶則陷賊日久急切難拔舒桐無為巢縣在賊腹心鳳潁數郡民情悍易啟亂萌以我兵力大略計之惟江南和春一軍為最厚次則官文全楚之眾德興阿江北

之師較少而與江南聲勢可以相聯至臣營兵力本單輔以募勇鄉團數約一萬有餘臣身親督率尚可力挫兇鋒無如懷鳳臨淮攻勦既處處喫緊正陽下蔡餉道又節節留防殊形棘手刻因來安告警已分派馬步隊往守又聞浦口有失其地與皖中唇齒相依又爲北竄要路更於無可抽撥之中設法兼籌併力扼截實屬不

聖朝聖訓卷三

三

敷分布現在大江南北及上下游四路皆有統帥勦辦之法卽當四面合攻使賊應接不暇刻因江北之師一挫局勢變更不得不力圖補救臣業已咨商和春飛調南岸各師船偏攻西梁山並於江浦下游斷賊來往援路更請

飭下官文催督都興阿楊載福各軍迅速力攻潛太安慶抽撤東流南岸之兵併集北岸力爭上游而

令李續賓一軍由英霍進兵規取舒桐會合皖軍以牽賊勢臣當激勵將士由北而南設法先復滁州應援東路然後併力廬郡節節進兵或直搗舒桐或分攻巢廬各縣總欲一氣掃蕩使江北早就肅清蓋粵逆恃此兇悍大股爲賊羽翼亟須趁此時會併力以圖此股一除則金陵之檻獸釜魚不難悉數撲滅是此時痛勦江北

聖朝聖訓卷三

三

正圖克復金陵否則金陵卽使收復而餘孽竄併江北勢將另生枝節仍無了期當此軍務萬分喫緊之時臣惟有就現有兵力設法籌勦斷不敢稍存畏難之見致誤大局奏入

上命軍機大臣傳諭勝保翁同書曰賊勢軍情自以江浦等處爲最重該大臣所稱先復滁州應援東路然後併力廬郡節節進兵固係先其所急但該大臣督